

陽

春

白

雪

陽春白雪第五卷目錄

瑞龍吟

龍山會

金盞子

高陽臺

蓮二

倦尋芳

嬌

風流子

鶯

倦尋芳

東天樂二

過秦樓

綠頭鴨

漢宮春

木蘭花慢

畫錦堂

隔浦蓮

洞仙歌

念奴嬌

聲聲慢

花心動

齊天樂

玉漏遲

法曲獻仙音

念奴嬌

風流子

瑞鶴仙 二

清夜遊

春歸怨

齊天樂

瑞鶴仙 三

摸魚兒 五

桂枝香

八聲甘州

永過樂

滿庭芳

塞翁吟

意難忘

青玉案

二

風入松

祝英臺近

採桑子

玉樓春

柳梢青

菩薩蠻

阮郎歸

謁金門

朝中措

南鄉子

踏莎行

三

菩薩蠻

二

好事近

二

清平樂

小重山

菩薩蠻

眼兒嬌

四字令

長相思  
五

如夢令  
二

玉樓春  
四

陽春白雪卷第五

臨濮 趙 聞禮 立之選

瑞龍吟

清明日  
觀杭渡

吳君特

大溪面遙望繡羽衝烟錦梭飛練桃花三十六陂鮫  
宮暗起嬌雷乍轉去如箭催趁戲旗游鼓素瀾雪濺  
東風冷濕蛟腥潛陰送晝輕霏弄晚洲上青蘋生處  
鬪春不管懷沙人遠殘日半開一川花影零亂 山  
屏醉縵連棹東西岸闌干倒千紅菴靨鈿香不斷傍  
暝疎簾捲翠連絳淨笙歌未散暮柳門歸懶猶自有  
玉龍黃昏吹怨重雲暗閣春霖一片

龍山會

南望  
登高

趙虛齋

重整登高屐，羣玉峯頭萬里秋。無極遠山青欲滴，新  
鴈過縹緲孤雲天。北烟入小橋，低水痕退寒流。澄碧  
對佳辰，驚心客裏鬢絲堪摘。風流晉宋諸賢，騎臺  
龍山，俛仰皆陳迹。憑闌看落日，嗟往事，惟有黃花如  
昔。醉袖舞西風，任教笑參差。鳧鷖但回首，東籬久負  
有誰知得。

秋霽

盧蒲江

虹雨纔收，敗葉殘蟬漸老。雲水銀漢飛星，玉壺零  
露。萬里素秋如沐，倚翠抱獨盼。綺曾記郎心，日向艷

歌偏愛賦情多處寄哀曲  
淒涼漫有舊月闌干夜  
涼無因重照顏玉扇  
絃收鸞孤蠹損一番愁緒  
暗相觸回首塞雲空  
鴈足露井零亂已  
是負了桐陰可堪  
輕誤滿籬種菊

金盞子

水仙

趙虛齋

得水能仙向漢皋遺珮  
碧波涵月藍玉暖生烟  
稱縞袂黃冠素姿冰潔  
亭亭獨立風前奈香多  
愁絕當時事琴心妙處  
難傳有誰堪說  
歲晚眇無人更短景  
繁雲天欲雪瀟湘凋水  
茫茫但萬里相思寒江  
空澗殷勤折向梅邊  
聽玉龍吹徹  
丁寧道百年兄弟相  
看



晚節

孤鸞梅

前人

江南春早問江上寒梅占春多少幾點寒星細萬里  
春風到幽香不知甚處但迢迢滿汀烟草回首誰家  
竹外有一枝斜好記當年曾共花前笑念玉雪襟  
期有誰知道喚起羅浮夢正參橫月小淒涼更吹塞  
菟漫相思鬢華驚老倚瓦西湖半曲對霜天清曉

高陽臺

落梅

吳夢窓

宮粉雕痕仙雲隨影無人野水荒灣古石理香金沙  
鎖骨連環南樓不恨吹橫笛恨曉風千里關山半靄

零庭院黃昏月冷闌干 壽陽空理愁鶯問誰調玉  
髓暗補香瘢細雨歸鴻孤山無限春寒離魂難倩招  
清些夢鷓鴣衣解珮溪邊最愁人啼鳥清明葉底青圓

玉漏遲 和趙立之

林玉谿 表民

並湖遊冶路垂堤萬柳麴塵籠霧草色將春離思暗  
傷南浦舊日惜惜坊陌尚想得畫樓窗戶成遠阻鳳  
箋空寄燕梁何許 淒涼瘦損文園記翠筩聯吟玉  
壺通語事逐征鴻幾度悲歡休數鶯口亂花深裏悄  
難替愁人分訴空院宇東風晚來吹雨

又

史籀泉

綠樹深庭院侵簾暝草泐幽蘚問訊餘芳糝  
紅千點暗有芹香墮几認杏棟營巢新燕晴  
光幾許費人裁剪梅陰地濕無塵但密袖薰  
虬靜看詩卷半掬鷄心似翠蕉難展花事因  
循過了漸愁入薰風團扇屏畫掩屏上數峯  
青遠

倦尋芳

張荃翁端義

曉聽社雨猶帶餘寒尚侵襟袖柳千門相近  
禁烟時候鬢墜搔頭深舊恨臂寬條脫漆新  
瘦卷重簾者雙飛燕羽舞庭花畫誰共語春  
來怕酒一段情懷燈暗更後卷畫屏山今夜  
夢魂還又愁墨題牋魚浪

遠粉香染淚鮫綃透待相逢想鴛衾鳳幃依舊

念奴嬌

李草堂

鏡鸞分影望天涯腸斷情無紅葉幾度秋風吹翠被  
一縷幽香難滅燕卜新梁花移別檻回首春如客歡  
情何在綠楊空鎖愁色 可是今古風流小喬妹麗  
只許周郎得金谷珠簾空百尺不礙夢魂飛入釵股  
盟深舊緣未斷月有重圓日藍橋路近乘雲先問消  
息

風流子

王樂道 咏祖

東風長是客簾櫳靜燕子一雙飛着花塢日高翠陰

護曉柳塘風細綠漲浮漪腸斷處渭城春樹遠江國  
暮雲低芳徑聽鶯暗驚心事盡梧聞鶻試卜歸期  
小樓凝竚地踈窓下幾度對說相思記得菱花交照  
素手曾携有新恨兩眉向誰說破芳心一點惟我偏  
知休為多情瘦却重有來時

喜遷鶯

馮深居

涼生遙渚正綠芰擎霜黃花招雨鴈外漁村蛩邊蟬  
舍絳葉表秋來路世事不離雙鬢遠夢偏欺孤旅送  
望眼但憑舷微笑書空無語  慵覲清鏡裏十載征  
塵長把朱顏污借著青油揮毫紫塞猛譚不堪重舉

間澗故山猿鶴冷落同盟鷗鷺倦遊也便攜雲拖月  
浩歌歸去

倦尋芳

翁時可

燕簾挂晚鶯檻迷晴花思零亂試覓娉婷日日傍湖  
亭苑擲果牆陰窺駐馬采香深逕拋春扇醉歸來任  
釵雲半落繡簾慵捲念燦錦年華如舊飛絮游絲  
縈恨難剪蜀羽無情早帶怨紅啼斷厚約輕辭寒食  
夜行雲空口梨花院莫凭闌正斜陽溶烟平遠

齊天樂

翁賓暢寅

幽香不受春料理青青尚餘秋鬢凋曲岩隈烟梳露

浴甘與菰蒲共隱芳標瘦迥看纓結丁香帶紫晴符  
恨水東流楚江憔悴亂雲暝淒涼夢游故苑縱妬  
花風暴吹夢難醒艷李妖桃紆青佩紫爭似廣文官  
冷塵波萬頃算誰是同心自憐孤影收斂風流素絃  
清夜永

又元夕

全前

紅香十里銅馳夢如今舊遊重省節序飄零歡娛老  
大慵立燈光蟾影傷心對景怕回首東風雨晴難準  
曲巷幽坊管弦一片笑聲近飛棚浮動翠條耆金  
釵半溜春妬紅粉鳳輦鰲山雲收霧斂迤邐銅壺漏

迥霜風漸緊展一幅青絹淨懸孤鏡帶醉扶歸曉醒  
春夢穩

過秦樓 和美成韵

趙白雲 崇喙

隱枕輕潮拂塵疎兩幽夢似真還斷鶯雛燕婉依約  
年時花下試翻歌扇憔悴鬢法春寒慢掠輕絲柳風  
如箭甚陽臺渺邈行雲無準楚天空遠 應喚覺當  
日琴心祇今詩思惆悵客衣塵染釵留股玉鞞襲鈎  
羅在苒臙寒香變問訊多情別後笑巧顰嬌對誰長  
情但晚來江上眼迷心想越山兩點

綠頭鴨

利碧澗 登



晚春天柳絲初透晴烟黯離懷綠房深處艷遊曾記  
當年襯龍綃亭亭玉樹步鴛鴦褊窄窄金蓮燒燄調蜂  
剪花挑蝶香雲微濕綠鸞鬢嬉遊困倚郎私語還爰  
撫郎肩共攜手海棠院左翡翠簾邊 口口恨無情  
錦籠鸚鵡等閑輕語花前昔相憐闕山咫尺今相望  
咫尺闕山是妾心闕是郎意懶是郎無分妾無緣都  
休問金枝雲裏何日跨金鸞深盟在香囊暗解終值  
雙鴛

漢宮春

九日登豐樂樓

王□□

手撚黃花對西風無語雙鬢蕭蕭韶華暗中過眼零

落心交登臨把酒更誰伴  
破橋持螯惟只有湖邊鷗  
鷺飛來如受人招  
往事不禁重省料縮羅分鈿翠  
減香銷空向畫橋古松猶繫輕橈西興渡口誤歸帆  
幾信寒潮傷情處淡烟殘照倚闌人共秋高

木蘭花慢

史蘓泉 沐

畫樓蘆半捲倩誰覓鳳簫音記待月梅邊籠香酒後  
私語屏陰忽忽佩珠暗解斷鴻消息口沉沉前度  
劉郎易老舊時飛燕難尋  
羅襟薄有淚痕侵釵收  
暗黃金向寶奩密著綾箋小字長是驚心登臨漫勞  
眺遠但青山杳隔暮雲深曾傍灣橋繫馬紫騮嘶度

平林

畫錦堂 牡丹

黃玉泉

麗景融晴浮光起畫玉妃信意尋春一笑酒盃翻手  
滿地祥雲寶臺艷感文綃帕郎官嬌舞擣金裙嫣然  
處况是生香微濕膩臉餘醺 煖烘肌欲透愁日炎  
還銷風動成塵細為品口雪調度與朱脣翠幃晚映  
真圖畫金蓮夜照越精神須拚醉回首夕陽流水碧  
草如茵

隔浦蓮 荷花

全前

瑶妃香透襪冷佇立青銅鏡玉骨清無汗亭亭碧波

千頃雲水搖扇影炎天永一國清涼境  
晚粧靚微  
酣不語風流幽恨誰省沙鷗少事看到睡鴛雙醒蘭  
棹歌遙隔浦應催暝藕絲紫斷歸艇

洞仙歌

姑極舊臺在三十里  
外今臺在胥門上

前人

吳宮故壘是天開  
圓畫縹緲層雲出飛榭隱隱樓空  
翠嶽水逸蕪城平時迥點染霜林彫謝  
越來溪上  
鴈聲切闌干似覓胥門怨吳弱屬錢沉香溪斷夢散  
雲空千年外等是漁樵閑話但極目荒臺鬱蒼烟衰  
草裏又還夕陽西下

念奴嬌

題馬鬼園

程楚容 武

蜀江城遠想連雲危棧接天窮處惆悵烟塵回首地  
雙闕缺枝猶故龍扈星聯羽林風肅未放鸞馳去不  
堪掩面淚沾宸袖如雨底事當日昭陽吹羌鳴羯  
浣却霓裳舞三十六宮春滿眼曾把色嗔香妬芳草  
埋情飛花墮忘翻被蛾眉誤畫圖驚見黯黯魂斷今  
古

聲聲慢

奚秋厓

秋聲浙澀楚棹吳鞭相逢易老顏色桐竹鳴騷音韻  
水雲空覓矣涼自今自古信浮生有誰禁得漫回首  
問黃花還念故人猶客莫管紅香狼籍蘭蕙冷便

他露知霜識木落山空心事對秋明白征衣暗塵易  
染算江湖隨人寬窄正無據者寒蟾飛上暮碧

花心動 泊舟四照觀

史蘄泉

肌雪浮香見梅花清姿漫勞凝佇淡粉最嬌羞把春  
長記壽陽眉嫵綠苔深逕尋幽地誰相伴凌波微步  
翠鴛冷芳塵路香舊游何處 不信重城間阻終沒  
个因由寄聲傳語寶炬凝珠綵筆呵冰密寫斷腸新  
句月寒烟暝孤山下羞吟斷橋邊去遮愁緒丹青怎  
生畫取

齊天樂

王月山

夜來疎雨鳴金井一葉舞空紅淺蓮渚收香蘭鼻浮  
爽涼思頓欺班扇秋光冉冉任老却蘆花西風不管  
清興難磨幾回有句到詩卷長安故人別後料征  
鴻聲裏畫闌凭遍橫竹吹商疎砧點月好夢又隨雲  
遠悶愁似綫甚繫損柔腸不堪裁剪聽著鳴蛩一聲  
聲是怨

玉漏遲

趙立之

絮花寒食路晴絲冒日綠陰吹霧客帽欺風愁滿畫  
船烟浦綵柱秋千散後悵塵鎖燕蘆鶯戶從間阻夢  
雲無準鬢霜如許夜永繡閣藏嬌記掩扇傳歌剪

燈留語月約星期細把花鬢頻數彈指一襟幽恨漫  
空情啼鵲聲訴深院宇黃昏杏花微雨

法曲獻仙音

花匣么弦象奩雙陸舊日番歡情意夢別銀瓶恨裁  
蘭燭香篝夜闌鴛被料燕子重來地桐陰瑣窓綺倦  
梳洗 蘭芳細自羞鴛鏡羅袖冷烟柳畫簾半倚淺  
雨壓荼蘼指東風芳事餘幾院落黃昏怕春鶯驚笑  
憔悴倩柔紅約定喚取玉簫同醉

念奴嬌

柴仲山

春來多困正日移簾影銀屏深閉喚夢幽禽烟柳外



鶯斷巫山十二宿酒初醒新愁□□惱得成憔悴  
鬆雲鬢不快鸞鏡梳洗門外滿地香風殘梅零亂  
玉糝蒼苔碎乍煖乍寒渾莫擬欲試羅衣猶未鬪草  
雕闌買花深院做踏青天氣晴鳩鳴處一池昨夜春  
水

風流子

方君遇

春被雨禁持傷心事鬢髻去年時記芳徑莫歸褪妝  
微醉暗幃先寢聞笑佯癡迴首別離容易過楊柳又  
依依紅燭怨歌鬢花零落青綾牽夢屏影參差桃  
源今何在劉郎去應念瘦損香肌誤約夜闌從前怪

我多疑但怕收殘淚對人徐語指彈新恨推戶潛窺  
還是厭厭病也無計憐伊

瑞鶴仙

趙立之

客邊情味惡花漏遠春靜風鳴鳳鐸空梁燕泥落映  
柔紅微冒海棠簾箔愁鐘恨角怕催人黃昏索寞擁  
吟袍凭暖闌干醉怯冷香羅薄阿鵲幽芳月淡紫  
曲雲昏有人說著名繯易縛歸鞭香誤期約記金泥  
卜畫銀屏娛夜彈指恣恣恨錯為情多撓盡芳春帶  
圓瘦覺

又立春

凍痕消夢草又招得春歸舊家池沼園扉掩寒悄情  
誰將花信偏傳深窈追游趁早使我裁却春衫短帽任  
殘梅飛滿溪橋和月醉眠清曉 年少青絲織手綠  
勝嬌鬢賦情誰表南樓信杳江雲重鴈歸少記衝香  
嘶馬流紅迴岸幾度綠楊殘照想暗黃依舊東風霸  
陵古道

清夜遊

越詞

周彥良

西園昨夜又一番闌風伏雨清晨按行處有新綠照  
人亂紅迷路歸吟窓底但餅几留連春住窺晴小蝶  
翩翩等閑飛來似相妬 遲暮家山信杳奈錦字難

憑清夢無據春盡江頭啼鴉最悽苦  
舊機幾度花開  
誤風前翠樽誰舉也應念留滯周南  
思歸未賦

春歸怨 趙詞

全 前

問春為誰來為誰去忽忽太速  
流水落花夕陽芳草  
此恨年年相觸細履名園閑者  
嘉樹藹翠陰成  
蕤爭知也被韶華換却  
詩人鬢邊綠  
小花深院靜旋引  
清尊自歌新曲  
燕子不歸來  
風絮亂吹  
簾竹誤文姬  
凝望久心事想勞頻卜  
但門掩黃昏  
數聲啼鴉又喚  
起相思一掬

齊天樂

儲華谷

東風一夜吹寒食枝頭紅片猶戀宿酒初醒新吟未  
穩凭久闌干留煖將春買斷恨苔遲榆階翠錢難貫  
陌上秋千相逢難認舊時伴 輕衫粉痕褪了絲綠  
餘夢在良宵偏短柳線經烟鶯梭織霧一片舊愁新  
怨慵拈象管倚寄與深情難憑雙燕不似楊花解隨  
人去遠

瑞鶴仙

徐南溪

暮霞紅映沼恨柳枝疎瘦不禁風攪校林散歸鳥更  
枯莖敲荻糝紅堆蓼江寒浪小鴈來多音書苦少試  
看盡水邊紅葉不見有詩流到 煩惱凭闌人去枕

水亭空路遙天香情深恨渺無計訴與伊道漏聲催  
門外霜清風細月色今宵最好怎割捨美景良時等  
閑睡了

瑞鶴仙

陸景思獻

濕雲黏鴈影望征路愁迷離緒難整千金買光景但  
踈鐘催曉亂鴉啼暝花慘暗省許多情相逢夢境便  
行雲都不歸來也合寄將音信 孤迥盟鸞心在跨  
鶴程高後期無準情絲待剪翻惹得舊時恨怕天教  
何處春羞雙燕還染殘朱積粉對菱花與說相思看  
誰瘦損

又用陸相韵

黃澹翁中

睡餘拋倦枕憶篆鼎香銷起來慵整晴光破清冷正  
柳黃梅淡染金勻粉茶甌鳥永試經行桐花舊井記  
前面未綠鴉波近日燕芹青盡因省春風如舊人  
面何歸對時傷景樓高望迥湖有信鴈無準任相如  
多病沈郎全瘦都沒音塵寄問便做無阿鵲頻頻可  
能睡穩

摸魚兒

海棠

劉後村

甚春來冷烟淒雨朝朝遲了芳信驀然作煖晴三日  
陡覺萬姝嬌困天怎忍潘郎老不成沒個看花分才

情減盡，張玉局飛仙。石湖絕筆，辜負這風韻。傾城  
色懊惱，佳人薄命。塢頭岑寂，誰問東風日，莫無聊賴。  
吹得胭脂成粉。君細認花共酒，古來二事。天猶吝年  
光去，迅設綠葉成陰，青苔滿地，做取異時恨。

又次晁无咎

李文溪

敲茅亭茂林環翠苔，磯依蘓州浦。青菴混入漁家社。  
斜日斷橋船聚，真樂處坐芳草，瓦尊口酒頻頻注。鼻  
窩自舞，慣松迤邐，衝雲梅村踏雪，朗笑自來去。車乘  
陸爭似，筒筇穩步前塵。回首俱誤，安閑得在中年好。  
抱壘尚堪流國，高眼覷，算不識人間寵辱除巢許風。



萱解語應共笑群但無端喜怒三四記朝暮

又

葉直庵閣

倚薰風畫闌亭午采蓮柔艣如語紅裙濺水鴛鴦濕  
幾度雲朝雨暮游冶處最好是小橋芳樹尋幽趣繡  
簾低護任涼入霜紉月侵冰葦長夏等閑度都如  
夢悵望游仙舊侶遺踪今在何許愁予眇眇瀟湘浦  
檻竹空敲朱戶黯無緒念多情文園曾草長門賦酒  
酣自舞笑滿袖緇塵教並霜鬢羞殺照溪鷺

摸魚兒

重過西湖

張梅深

張

又吳塵暗口吟袖西明深處能浣晴雲片片平波影

飛越棹歌聲遠回首喚髣髴記春風共載斜陽岸輕  
携分短恨柳密藏橋烟濃斷逕隔水語音換思量  
遍前度高陽酒伴離踪悲事何限雙峯塔露書空穎  
情共暮鴉盤轉歸興懶悄不似留眠水國蓮香畔燈  
蘆暈滿正蠶帙逢迎沉煤半冷風雨閉宵館

又登蕞州西樓

柴秋堂望

望長江幾分秋色三分渾在烟雨傷心已怕江南樹  
那更莫蟬如語帆且駐試說看羊裘釣雪今何許魚  
蝦自舞但一舸蘆花數聲羌笛鷗鷺自來去年年  
恨流水朝朝暮暮天涯長歎飄聚衾寒不轉釣天夢

樓外誰歌白紵君莫訴君試按秦箏未必如鍾呂鄉  
心最苦算只有娟娟馬頭皓月今夜照歸路

桂枝香

前人

今宵月色歎暗水流花年事非昨蕭灑江南似畫舞  
楓飄柞誰家又唱江南曲一番聽一番離索孤鴻飛  
去殘霞落盡怨深難託又腸斷丁香畫雀記牡丹  
時候歸燕蘆幙夢裏襄王想念王孫飄泊如今雪上  
蕭蕭鬢更相思連夜花發柘枝猶在春風那似舊時  
宋玉

八聲甘州

陳月境



平湖烟遠斜橋雨暗欲寄短書雙燕算猶憶蘭房畫  
燭醉時共剪

滿庭芳

此詞苑有淮海  
風味惜不名世

劉吉甫詞

鶯老梅黃水寒烟淡斷香誰與添溫寶缸初上花影  
伴芳尊細細輕蘆半捲憑闌對山色黃昏人千里小  
樓幽草何處夢王孫十年羈旅興舟前水驛馬上  
烟村記小亭香墨題恨猶存幾夜江湖舊夢空淒恣  
多少銷魂歸鴉被角聲驚起微雨暗重門

塞翁吟

十里和清真詞一  
甚可取者僅此耳

方千里

莫色催更鼓庭戶月影暈臆記舊迹玉樓東看枕上

芙蓉雲屏幾幅江南畫香篆燼煖烟空睡起處繡衾  
重尚殘酒潮紅 忡忡從分散歌稀宴少懷麗質渾  
如夢中苦寂寞離情萬緒似秋後怯雨芭蕉不展愁  
封何時細語此夕相思曾對西風

意難忘

和清真韵

朱用之

宮額塗黃怕牋凝怨墨酒清離觴紅樓春寄夢青瑣  
夕生香花氣暖柳陰涼棹曲水滄浪愛弄嬌臨流梳  
洗傾影低相 桃花結子成雙縱題紅去後枉誤劉  
郎琴心挑別恨鶯羽學新絃千萬恨慙慙勝便憔悴  
何妨待共伊平消別後幾度風光

青玉案

無名氏

年年社日停針線  
怎忍見雙燕飛  
今日江城春已半  
一身猶在亂山深處  
寂寞溪橋畔  
春衫著破誰針  
線  
點點行行淚  
痕滿  
落日解鞍芳草岸  
花無人戴  
酒無人勸  
睡也無人管

又和方回

姚志道

三年枕上吳中路  
遣黃耳隨君去  
若過吳江呼小渡  
莫驚鷗鷺四橋都是老子  
經行處  
鞦韆圓上看春  
莫長憶高人右丞句  
作個歸期天未許  
春衫猶是小  
蠻針線曾濕西湖雨

風入松

康伯可

又附四  
中行集

一宵風雨送春歸，綠暗紅稀。畫樓盡日憑闌，意與誰同。攔花枝、門外舊，微開也。枝頭梅子酸時，玉人應是教歸。期翠斂愁眉，塞鴻不到，雙魚遠恨，樓前流水難西。新恨欲題紅葉，東風滿院，花飛。

祝英臺近

史邦卿

柳枝愁，桃葉恨，前事怕重記。紅藥開時，新夢又添洩。此情老去須休，春風多事，便老去越難迴避。阻幽會。應念偷剪荼蘼，柔條暗紫。繫節物移人，春暮更顯頽。可堪行院題詩，蘚階聽雨，寸心外安愁無地。



採桑子

朱野逸 藻

障泥油壁人歸後滿院花陰樓影沈沈中有傷春一  
片心 閑穿綠樹尋梅子斜日籠明團扇風輕一徑  
楊花不避人

玉樓春

劉隨如 藻

泠泠水向橋東去漠漠雲歸溪上住疎風澹月未來  
時流水行雲無覓處 佳人獨立相思苦薄袖欺寒  
脩竹莫白頭空負雪邊香著意問春春不語

柳梢青

施芸隱 藻

飛露初霜冷侵金井響到銀床懊恨碧梧不留一葉

月占紗窓 鴈聲做盡淒涼又陡頓衾寒夜長曲曲  
屏山重重客夢無限思量

菩薩蠻

李草堂 憶

畫樓酒醒春心悄殘月悠悠芳夢曉  
嬌汗浸低鬟屏山雲雨闌  
香車河漢路又是念念去鸞扇  
護明粧含情看綠楊

阮郎歸

王花洲 同祖  
與之

一簾疎雨細於塵春寒恁殺人  
桐花庭院近清明新烟浮舊城  
尋蝶夢怯鶯聲柳絲如妾情  
丙丁帖子畫教成粧臺求晚晴

謁金門

趙竹潭浦夫

天色晚雲外一箏斜  
鴈獨凭闌  
千秋滿眼菊花寒尚  
淺  
葉落香溝紅泛懶  
把新詩題怨  
何處笛聲三弄  
斷月遲簾未卷

朝中措

吳夢聰

晚粧慵理瑞雲盤  
針線傍燈前  
燕子不歸簾捲海棠  
一夜孤眠  
踏青人散遺鈿滿路  
雨打秋千尚有落  
花寒在綠楊未褪春綿

南鄉子

孫花翁

壁月小紅樓  
聽得吹簫憶舊游  
霜拍闌干天似水揚

州簿倖聲名總是愁  
塵暗鶻鶻裘針線曾勞玉指  
柔一夢覺來三十載休休空為梅花白了頭

踏莎行

陳芸厓壁

江濶天低棲高思  
迴春烟蕪淡如秋景  
今年芳草去年愁  
分明又報明年信  
燕子還來歸期未定  
可堪醉夢紅塵境  
世間萬事儘消磨  
水流不盡青山影

又

王萬之

柳外寒輕水邊亭  
小昨朝燕子歸來了  
天涯無數舊愁根  
東風種得成芳草  
亭畔秋千當時歡  
笑香肌不滿和衣抱  
那堪別後更思量  
春來瘦得知多少

又

錢若洲

征鴈雲深亂蛩寒淺驚心怕見年華晚  
蕭疎隄柳不禁霜江梅瘦影清相伴  
舞暗香茵歌闌團扇月明  
夢遠天涯遠斷腸人在畫樓中  
東風不放珠簾捲

菩薩蠻

利碧澗

玉闌干外重簾晚流雲欲度長天遠  
花草不知名春來各自春  
綠鞍游冶客何處垂楊陌不信不歸來  
海棠花又開

又

劉叔儼

仙倫  
括山

秦樓去了東風伴一川烟草無人管  
芳徑雨初晴黃

鷓三兩聲 海棠花已謝春事無多也只有牡丹時  
知他歸未歸

好事近

趙立之

人去綠屏閑 逗曉柳絲風急 簾外杏花微雨 冒春紅  
愁濕 單衣催賜麴塵羅 中酒病無力 應是繡床慵  
困倚秋千斜立

又

小枕夢催閑 飛雨時鳴高屋 掛起西窗 人靜聽春禽  
聲續 鴨塘溪綠漲輕痕 烟柳媚新綠 誰伴瘦筇尊  
酒弄出泉飛瀑

清平樂

程楚客

曳雲搖玉裙感秋綃幅學得琵琶依約熟貪按鴈沙  
新曲 曲終滿院春閑清翠移上眉山心事怕人猜  
破折花背揀雲鬟

小重山

全前

香減鮫綃淚痕絲雲長是恨等閑心玉笙猶記夜  
深聞湘水香寂寞隔巫雲 翠被冷重熏做成歸夢  
了却銷魂岳陽濃處著未門依然是風雨掩黃昏

菩薩蠻

曾蒼山原一

淡黃斜日留汀草落低半露遙奉小病眼不禁愁闌

千無數秋 鴈聲何處落  
舊夢還驚覺 風重葛衣單  
深山吹笛寒

眼兒媚

黃東浦 簡

畫樓瀕水翠梧陰 清夜理瑤琴  
打窓風雨逼 簾烟月  
種種關心 當時不道春無價  
幽夢費重尋 難忘最是  
鮫綃暈滿 蟬錦香沉

四字令

劉改之

情高意真 眉長鬢青 小樓明月  
調箏寫春風 數聲  
思君憶君 魂牽夢縈 翠銷香煖  
雲屏更那堪 酒醒

如夢令

謝無逸



門外落花流水日煖杜鵑聲碎  
蓄馬小屏風一枕  
堂春睡如醉如醉正是困人天氣

又

王聖與

妾似春蠶抽縷君似箏弦移柱  
無語結同心滿地落花飛絮  
歸去歸去遙指亂雲遮處

長相思

康伯可

南高峰北高峰一片湖光烟靄中  
春來愁殺儂郎  
意濃妾意濃油壁車輕郎馬驄  
相逢九里松

又

韓子明

郎思深意思深祇為思深便有  
今回紋辜舊吟雲

沈沈水沈沈一點堅如百鍊金卽應知妾心

又

杜娘家謝娘家樓壓官橋柳半遮簾波漾彩霞  
拾  
飛花怨飛花望斷郎來日又斜東風吹鬢鴉

又

夜蕭蕭夢蕭蕭又趁楊花到謝橋鳳沉明月簫  
來  
迢迢去迢迢枉把□牋寄寂寥飛鴻不受招

又

陳東甫

花深深柳陰陰度柳穿花覓信音君心負妾心  
怨  
鳴琴恨孤衾鈿誓釵盟何處尋當初誰料今

玉樓春

徐山民

螢飛月裏無光色，波水不搖樓影直。  
每憐宿粉浣啼痕，懶把舊書覲字跡。  
枯荷露重時聞滴，君夢不來誰阻隔。  
妾身不畏浙江風，飛去飛來方瞬息。

又

李冰壺子酉

紗窓春睡朦朧著，相見尚懷相別惡。  
夢隨城上角聲殘，淚逐樓前花片落。  
東風不解吹愁却，明月幾番乘後約。  
當時惟恐不多情，今日情多無處著。

又

利碧澗

夾蘆不捲重堂暮，白騎少年何處去。  
雲根稗藕已勝

花烟外子松今作樹 金梯月澁知無與寶瑟風驚  
猶自語斜河一道界相思橫隔天心寒似霧

又

陳雲涯

瓊奴家與章臺並路遠可憐歸夢近被頭浪語臉紅  
繡鏡面頻思眉翠暈 年年花月年年病花月無情  
人有限欲將此恨寄湘流又怨湘流流不盡

陽春白雪卷第五終

陽春白雪第六卷目錄

六州歌頭 二

摸魚兒 四

芙蓉月

三姝媚

夜合花

西牕燭

大酺

歸朝歡

多麗

滿庭芳

滿江紅

揚州慢

孤鸞

宴清都

徵招

齊天樂

祝英臺近

二郎神

綺寮怨

側犯

春聲碎

八聲甘州四

八六子

瑣窓寒

桂枝香

華胥引

漢宮春

東風第一枝

渡江雲

慶清朝

小重山三

點絳脣三

戀繡衾五

伊州三臺令

烏夜啼二

拋球樂

如夢令二

醉太平

憶王孫

楊柳枝

昭君怨

長相思  
四

望江南  
三

謁金門  
三

菩薩蠻  
三

浣溪沙  
六

搗練子  
二

樓心月  
三



陽春白雪卷第六

臨濮 趙 聞禮 立之選

六州歌頭

桃花  
隄尾集不載

韓南潤

東風著意先上小桃枝紅粉膩嬌如醉倚朱扉記年  
時隱映新粧面臨水岸春將半雲日暖斜橋轉夾城  
西草軟莎平跋馬垂楊渡玉勒爭嘶認蛾眉凝笑臉  
薄拂燕支繡戶曾窺恨依依 共攜手處香如霧紅  
隨步怨春遲銷瘦損憑誰問只花知淚空垂舊日堂  
前燕和烟雨又雙飛人自老春長好夢佳期前度劉  
郎幾許風流地花也應悲但茫茫暮靄日斷武陵溪

往事難追

又謝人送牡丹

劉後村

維摩病起兀坐等枯株  
清晨裏誰來問是文殊  
遣名姝奪盡羣花色  
浴才出醒初解千萬態  
嬌無力因相扶  
絕代佳人不入金張室  
却訪吾廬對茶鐺  
禪榻笑殺此翁癡  
珠髻金壺始消渠  
憶承平日繁華事  
修成譜寫成圖  
奇絕甚歐公  
記蔡公書古來無一自京華  
隅問姚魏竟何如  
多應是彩雲散劫灰餘  
野鹿銜將花去  
休回首河洛邱墟漫傷春  
弔古夢繞漢唐都  
歌罷敬獻

摸魚兒

懷雲厓陳乘車  
東甯時游湖津

譚明之

宣子  
在卷

掩朱弦住聽金縷天涯同是羈旅多情記把香羅袖  
殘粉半粘荆樹還信否便忍道石臺暗寂春無主分  
明間阻那睡鴨噓雲翔鴛溜月此際更休語 人間  
世誰識緘愁最苦輕帆重解烟雨而今翻笑周郎誤  
桃別寒缸尋譜游倦處果因甚亭亭瘦影如前度無  
由寄與待謝却梅花東風為我吹夢過淮浦

又梅

趙景周

與洽  
慙處

甚幽人被花勾引庭臯遙夜來去江空歲晚誰為伴  
只有瓊枝玉樹愁絕處望萬里瑤臺夢斷迷歸路花

還解語更雪琢精神冰相韻度粉黛盡如土飄仙  
袂曾綴藍珠鶴鶩雲茵月障千步莫教衣袖天香冷  
恐怨美人遲暮更起舞任斗轉參橫翠羽曾知否塵  
緣自誤終待與驂鸞乘風共去長作此花主

又

王與之

同祝  
花洲

記年時荔枝香裏深紅一片成陣迎風浴露精神爽  
誰似阿嬌丰韻黃昏近望翠幕玳筵粉面雲鬟映嬌  
波微瞬向燭影交相歌聲間繞私語畫闌並佳期  
事好處天還慳吝鶯啼燕語無定一輪明月人千里  
空夢雲溫雨潤蕭郎病恨天濶鴻稀杳杳沉芳訊日

長人靜但時把好山學他媚無偷就眉峯印

又瓊花

施與言

柳家茸暗凌波路烟霏慘淡平楚七香車駐狔環掩  
遙認翠華雲母芳景莫鴛鴦悄銖衣來按飛瓊舞淒  
涼洛浦漸玉漏沉沉清陰滿地乘月步虛去銷凝  
處誰說平安小杜翔螭聲斷蕭鼓情知禁苑酥塵浣  
羞與倡紅同譜春幾度想依舊苔痕長印唐昌土風  
流千古人在小紅樓朱簾半捲香注玉壺露

芙蓉月 夫容

趙虛齋

黃葉舞碧空臨水處照眼紅苞齊吐柔情媚態佇立

西風如訴遙想儂家城闕十萬綠衣童女雲縹緲玉  
娉婷隱隱彩鸞飛舞尊前更風度記天香國色曾  
占春暮依然好在閑伴清霜涼露一曲欄干敲徧悄  
無語空相顧殘月淡酒闌時滿城鐘鼓

三姝媚

杜子卿

花浮深岸樹迎新曦窗影細觸游塵映葉青梅記共  
折南枝又及嘗新駐屐危亭烟墅香風物撩人虹外  
斜陽留晚鶯邊落絮催春心事應辜桃葉但自把  
新詩編寫脩筠恨滿芳洲倩晚風吹夢暗逐江雲漫  
撚輕攏幽思切清音誰聞謾有鴛鴦結帶雙垂繡巾

夜合花

孫花翁

風葉敲窓露蛩吟  
梵謝娘庭院秋宵鳳屏半掩  
釵花映燭紅搖潤  
玉暖膩雲嬌染芳情香透鮫綃  
斷魂留夢烟迷楚驛  
月冷藍橋誰念賣藥文蕭望  
仙城路香鶯燕迢迢  
羅衫暗摺蘭痕粉迹都銷  
流水遠亂花飄苦相思  
寬盡春腰幾時重  
恁玉驄過處小袖輕招

西廔燭 雨霖江行自度

譚明之

春江驟漲曉陌微乾  
斷雲如夢相逐料應怪我頻來  
去似千里迢迢傷心極  
目為楚腰慣舞東風芳草萋萋  
襯綠燕飛獨知是誰家  
簫聲多事吹咽尋常怨

曲儘教衿袖香泥浣君不見揚州三生杜牧侍淚華  
暗落銅盤甚夜西窓剪燭

大酺壯丹

正綠陰濃鶯聲懶庭院寒輕烟薄天然花富貴逞天  
紅殷紫奩葩重萼醉艷酣春妍姿浥露翠羽輕明如  
削檀心鴉翼嫩似離情愁緒萬紛交錯更銀燭相輝  
玉珧微浸宛然京洛朝來風雨惡怕僞憇低張青  
油幕便好倩佳人挿帽貴客傳箋趣良辰賞心行樂  
四美難并也須拚醉莫辭杯酌被花惱情無著長笛  
何處一笑江頭高閣極目水雲漠漠



歸朝歡

趙白雲 漢宗

翠羽低飛簾半揭  
寶葦牙牀涼似雪  
牕虛雲母澹無  
風  
隔墻花動黃昏月  
玉釵鸞墜髮盈盈  
白露侵羅襪  
記逢迎  
鴻驚燕婉  
燈影弄明滅  
蜀雨巫雲愁斷絕  
羅帶同心留綰結  
交枝紅豆雨中看  
為君滴盡相思  
血  
染衣香未歇  
夜闌天淨魂飛越  
正銷凝  
一庭秋意  
烟水浸空濶

多麗 西湖

趙雲洞 時吳

欽吳雲翠奩  
推上紅晴渺  
澄流鱗光寒  
碎遠峰螺紺  
低凝杏香引  
畫船影濕柳  
陰趁驕馬蹄  
輕橋限寬平

堤橫南北去來人入繡園行漸際晚梅粧游園十里  
曳歌聲蒼烟澗飛鴻妬春一夢催醒認名園當時  
宴幸纜痕猶在危亭露花濃靜迎□砌□蘚冷森護  
飛甍幾對東風留連麗景□年□老越山青夜深月照  
人依舊何處最闕情歡娛地星換世移容恨還盈

滿庭芳

西湖

吳履齋

春水溶溶春山漠漠淡烟淺草輕籠危樓閣檻掠面  
小東風又是飛花落絮芳草暗萬綠成叢閑徙倚百  
年人事都在畫船中故園無恙否一谿翠竹兩邊  
蒼松更有魚堪釣有林堪春底事塵驅物役空回首

社燕秋鴻功名已蕭蕭短鬢分付與青銅

滿江紅 滕王閣

全前

萬里西風吹我上滕王高閣正檻外楚山雲漲楚江  
濤作何處征帆未去有時野鳥沙邊落近蘆鈎莫  
雨掩空來今猶昨 秋漸緊添離索天正遠傷飄泊  
歎十年心事悠悠莫莫歲月無多人易老乾坤能大  
愁難著向黃昏斷送客魂銷城頭角

揚州慢 陵北

趙虛齋

十里春風二分明月蕊僊飛下瓊樓看冰花剪剪擁  
碎玉成毬想長日雲階佇立太真肌骨飛燕風流斂

羣芳清麗精神都付揚州 雨窓數朶夢驚回天外  
香浮似闌苑花神憐人冷落騎鶴來游為問左淮風  
景長空淡烟水悠悠又黃昏卷管冰城吹起新愁

孤鸞

四明後園石峯之下  
小池之上有梅花

黃玉泉

冰心孤寂戀幾種靈峰半泓寒碧骨瘦和衣薄清絕  
成愁極蕭然滿身是雪怕人知鏡中消息獨向百花  
夢外自一家春色 記羅浮幽夢渾如昔有浸眼鯨  
波倚雲丹壁夜醉空山酒叫裂橫霜笛回頭洞天未  
曉但迢迢江南千驛飲散東風落月正海山浮碧

宴清都

胡伯雨

翼龍  
來泉

夢雨隨春遠，征衫薄短。蓮猶逗寒淺。裁芳付葉書愁。  
沁壁水、窓竹院。別來被篝梅潤，暗塵積，舊題紙扇。許  
多時，閑了闌干，放得蘚痕青滿。誰念社若還生，嶺  
花又綠，不堪重□。山程水記，茶經硯譜，共誰閑展。湖  
山省，曾游徧。不怪得、近番心懶。恰今朝、水落洲平，江  
上楚帆風轉。

徵招

全前

蘋花又綠江南岸。賓鴻帶將寒去。幾許落梅，愁渺暗  
香何處。一春長是雨。剝費却翠篝沈炷。冷隔簾旌潤。  
銷窓紙有人吟苦。燕壘漬芹香，畫堂永闕心。去年

情緒愁壓曲屏深更小山無數濺裙前事誤□□□  
□□□□□未闌不了銷凝移損秦箏柱

齊天樂 重游番易

丁無隱

兩株烟柳荒城外依依暮帆曾駐小扇障塵輕與帖  
岸誰料重行吟處流光暗度悵蘭溆春移葦汀秋聚  
可奈清愁快呼艇子載將去 中年懷抱易感甚風  
花水葉猶似孤旅伴鶴幽期隨鶯樂事還是情牽意  
負衣塵帽土但杜鏡堪羞賀囊徧寫待報山靈莫教  
雲壑妬

祝英臺近

向莘老 希尹

曉簾攏晴院宇空鴨冷沉水翠被欺寒嬌困未收起  
厭厭雨點眉峯一痕酒暈正人在溫柔鄉裏甚情  
味羞對釵燕第鴻胭脂暗彈淚欲寫吳箋無處問雙  
鯉倩他輕薄楊花與愁結伴直吹到那人根底

二郎神

西苑浣沙晴

周伯弼

浪花皺石甍夜月欲移還定想白苧烘晴黃蕉攤雨  
人整斜巾照領剪斷鮫綃何人續黯夢想秋江風冷  
空露清藻鋪雲根苔蘚指痕環影重省五湖萬里  
誰問烟艇料寶口塵侵玉歌珠鎖羞對菱花故鏡領  
畧鴉黃破除螺黛都付渚蘋汀荇春醉醒暮雨朝雲

何處柳蹊花迳

綺寮怨 宮人斜吊古

石正倫 瑤林

綠野春濃停騎暖風飄醉襟漸觸目景物淒悲花無  
語曲徑沉沉重檐繚垣靜鎖丹青暗斷軸塵半侵歎  
絳紗玉臂封時何期掩夜泉流恨深 已矣霜凋蕙  
心蘭昌舊事雲容好信難尋竚立孤吟怕鳳履有遺  
音今宵珮環奏月知倦客苦登臨驚飛翠禽松杉弄  
碎影晴又陰

側犯

譚明之 宣子

素秋漸爽倚香曲枕情依舊懷袖浸數尺湘漪篔簹紋



緜悲歡盡夢裏玉骨從消瘦空又思太液芙蓉未央  
柳 翔鳳何在樂府傳孤奏人病酒有鴛鴦雙字清  
誰繡拜月西樓幾聲滴漏應恐紈口已踈郎手

春聲碎

南浦送別自度腔前

人

津館貯輕寒脉脉離情如水東風不管垂楊無力惹  
雨翠烟寐闌干外怕看燕掠文疏鼓疊春聲碎 劉  
郎易憔悴况是厭厭病起蠻牋漫展便寫就新詞倩  
誰將寄當此際渾似夢峽啼湘一寸相思千里

八聲甘州

鄭南谷 夢協

大江流日夜客心愁不禁晚來風把英雄口氣興衰

餘事吹散無蹤但有山園故國依舊夕陽中直北神州路幾點飛鴻欲問周郎赤壁歎沙沉斷戟烟鎖口口聽波聲如口空亂荻花叢甚雲間平安信少到黃昏偏映落霞紅尊鱸美扁舟歸去相伴漁翁

又送翁時可如宛陵

陸雲西

字景思

問纏腰跨鶴事如何人生最風流怕江邊潮沙世間歧路只是離愁白馬青衫往事贏得鬢先秋目送紅橋晚幾番行舟蘭珮空餘依黯便南風吹水人也難留但從今別後我亦似浮漚敬亭上半林琴月記彈將寒影落南州秋聲裏塞鴻來後為爾登樓

又孤山寒食

羅澗谷

甚匆匆歲月又人家  
揀柳記清明政南北  
高峯山傳笑響水  
泛簫聲吹散樓臺烟  
雨鶯語評春晴何所無  
芳草惟此青青誰莞  
孤山山下任種梅月  
冷薦菊泉清看人情  
如此沉醉不須醒問  
何時樊川歸去歎故  
鄉七十五長亭君知  
否澗雲溪竹笑我飄  
零

又

胡蒙泉

甚年年心事占秋多  
芳洲亂蕪生正小山  
已桂東籬又菊秋為  
人清腸斷洞庭葉下  
倚西風誰可寄芳衡  
娟娟愁子處欲醉還  
醒為問素娥飲不自  
謫仙去

後知與誰明。耿耿盈盈如此分。影落瑤航步高臺。夜深人靜有飛仙。同跨海山鯨。歸來也。遠游歌罷失却秋聲。

八六子

鄭幼霞

熏初  
小山

憶南洲。紺波縈繞。垂楊翠拂朱樓。念十載風流。夢覺滿身花影。人扶舊曾暗遊。無言空愴。離憂醉袖裏。將紅淚。吟牋寫許。清愁試與問楊瓊。解憐郎否也。應還是舊家聲價。而今艷質不來。眼底柔情終在心頭。黯凝眸。黃昏月沉半鉤。

瑣窓寒 重游東湖

蘇才叔

雲浦口寒烟堤冪翠舊痕新漲春愁十里冉冉碧絲  
搖蕩記登臨少年思高唾壺擊玉歌清壯到如今夢  
裏秋風鴻陣晚波漁唱 惆悵重來處望盡舫天邊  
縵絲原上山陰秀句付與一聲雲響正東湖誰家柳  
下午陰漠漠人蕩槳最堪憐白髮周郎為江山自賞

桂枝香

徐鼎夫 西麓

人間秋至對暮雨滿城沉思如水桐葉驚風似語怨  
蛩齊起南樓月冷曾多恨怕而今夜深橫吹那堪更  
聽蕭蕭槭槭透窓搖睡 問楚夢閑雲何地但手約  
輕綃省人深意紅樹池塘誰見宿粧凝睇舊時裘馬

行歌事合都歸汀蘋烟芷思王漸老休為明璫沉吟  
洛渚

華胥引

丁無隱書瑞

論交眉語惜別心啼費情不少蕙渺溱期蘋深記約  
輕誤了幾度金鑄相思又燕歸鴻杳誰料如今被鶯  
闌占春早頻把愁勾惜鷓鴣雲嬌紅猶遠渾拚如夢  
爭奈枕暹屏曉欲寄芙蓉香半握怕不禁秋惱口是  
靚逢片帆雙度天杪

漢宮春

趙雲洞時與

霜皎千林正石橋人靜春滿橫塘寒花自開自落曉

色昏黃明沙暗草對東風深鎖閑堂金漏短江南路  
遠夢回雲冷瀟湘重到舊時花下按玉笙歌傲月  
正西廊亭亭愛伊素影粉薄新粧經年瘦損漫誰知  
心事淒涼休更聽城頭畫角一聲聲斷人腸

東風第一枝

探梅

黃玉泉

迅影彫年嫩晴貫煖意行問訊春色不知春在誰家  
闌香慢攏玉勒一枝竹外似欲訴經年相憶奈情多  
難剪愁來寂寞水寒烟碧吟正好悲茄喚恨酒正  
瑞夕陽催客殷勤片月飛來更隨暗香細索橫斜瘦  
影看盡未開時消息為春來還怕春多腸斷夜闌霜

笛

渡江雲 和清真

蕭鶴皋 元之體仁

流蘇垂翠憶高低一色紅紫等泥沙香山居士老柳  
枝桃葉飛梗屬誰家好音過耳任啼鳥忍入芳華心  
情懶筆牀吟卷醉墨戲翻鴉堪嗟雕弓快馬數肋  
追蹤向夕陽坡下休更憶青絲絡轡紅袖裁紗司空  
見慣渾如夢笑幾回索葦吹葭山中樂從渠恐賞鶯  
花

慶清朝 木芙蓉

李敏軒 宏模希賢

碧玉雲深彤綃霧薄芳叢亂迷秋渚重城傍水中有



吹簫俦侶應是瓊樓夜冷月明誰伴乘鸞女仙游處  
翠帶障塵紅綺隨步 別岸玉容貯倚愛淺抹蜂黃  
淡籠紈素嬌羞未語脉脉悲烟泣露綵扇何人妙筆  
丹青招得花魂住歌聲暮夢入錦江香裡歸路

小重山

曾蒼山

原一  
子實

薄雪初消銀月單踈踈浮竹影矮紅闌梅花夢事落  
孤山禁人處霜重鼓聲寒 留取曉來看斑簾低小  
閣燭花殘一帆明月去滄灣空相憶雪浪月痕翻

又

黃乙山

詩  
亦頗

涼入秋欄雨意長竹深啼絡緯響虛堂一枝燈影耿

昏黃疎簾外風度木樨香  
心事易成傷燕支坡下  
路語如黃口仙螺子玉釵  
梁鴛屏夢應到舊韋郎

又

陳伯可成之

恨入眉共鬢不開日高猶未肯  
傍粧臺玉郎嘶騎不  
歸來梁間燕猶自及時回  
粉淚污香腮纖腰成瘦  
損有人猜一春那識下香階  
春又去花落滿蒼苔

點絳脣

宋蘭室

自道  
吉甫

山雨初晴餘寒猶在東風軟  
滿庭苔蘚青子無人見  
好客不來門外芳菲  
逾難消遣流鶯聲轉  
坐看芭

蕉展

又

蘇竹里

茂一才叔

竹翠藏烟杏紅流水歸何處透簾穿戶更洒黃昏雨  
織錦題書誰寄愁情去渾無緒綠楊千縷不似真  
眉嫵

又

朱堯章

直

繡被鴛鴦寶香薰透薔薇水枕邊一紙明月人千里  
宿酒初醒全不忺梳洗搵纖指微籤玉齒百色思  
量起

戀繡衾

趙叅梅

汝苑

柳絲空有千萬條繫不住溪頭畫橈想今宵也對新

月過輕寒何處小梅 玉簫臺榭春多少溜啼紅臉  
霞未消怪別來胭脂慵傅被東風偷在杏梢

又

蕭大山 山則  
則山

倚闌閑看燕定巢舊彈箏因病久拋畫不盡殘眉黛  
被東風吹在柳梢 曉來暗理傷春曲把金釵枕畔  
細敲書寄與天涯去并相思紅淚一包

又梅

趙白雲

江烟如霧水滿汀早梅花偏占淺清倚翠竹寒無力  
想瀟湘斜日暮雲 幾回夢斷陽春面問百花猶隔  
幾塵趁月夜霜風峭約綠鸞同載玉笙

又

趙雲洞

迢迢江路日又曛為春遲長是怨春小立馬千林下  
寄寒香歸贈故人相逢細說經年恨早匆匆吹散  
霽雲笑惆悵芳菲事粉蝶知應自斷魂

又

全前

江南烟水幾萬重記玉人花底舊容待欲寄飛鴻信  
望前山夕照冷紅塞笳月下聲淒楚怨百花春事  
夢空倩誰共東君說把陽和分付朔風

伊州三臺令

楊東窓

詔父  
季和

水村月淡雲低為愛寒香晚吹瘦馬立多時是誰家

茆舍竹籬 三三兩兩芳蕤未放瓊鋪雪堆只這一些兒勝東風千枝萬枝

烏夜啼

潘紫巖

坊庭堅

無端小雪庶纖入平簷金鴨旋添龍餅莫開簾 尋梅約開還落可曾快合作一年春恨上眉尖

又

題月海呈天觀即宋武所居故地

鄭幼霞

重初

春江一望微茫辨梳檣無限青青麥裏菜花黃 今古恨登臨淚幾斜陽不是寄奴住處也淒涼

拋毬樂

李子我角吾

風冑薦紅雨易晴病花中酒過清明倚窓幽夢亂於

柳羅袖淡凝似飭冷地思量著春色三停早二停

如夢令

王師錫

竹上一樓嵐翠竹下一渠春水中有隱人居破屋數  
間而已無事無事靜夜月明千里

又

楊季和

涼月薄陰猶殢紅豆一枝秋思門外幾重山山外行  
人千里歸未歸未又是菊花天氣

醉太平

徐叔柔 夢龍

冰肌玉容情真意濃小樓幾度春風醉琉璃酒鐘  
關山萬重何時又逢思量雨蹟雲踪似裏王夢中

憶王孫

趙君舉

日長高柳一蟬聲  
翡翠簾深寶箏清  
夢遠春雲不散  
清曉風輕玉口花飛宿雨晴

楊柳枝

前人

浙浙西風生莫寒  
繡衣單碧梧葉落  
鶉花殘恨前歡  
月鏡虛樞烟逗竹  
夢千山玉簫清夜  
憶孤鸞鎮長  
閑

昭君怨

楊誠齋

昨夢扁舟花底香  
滿西湖烟水急  
雨打蓬聲夢初驚  
却是池荷跳雨散  
了真珠還聚聚  
作水銀渦瀉清



波

長相思

孫肖之

雲一窩玉一梭  
淡淡春衫薄薄羅  
輕顰雙黛蛾  
風聲多雨聲和  
窗外芭蕉三兩窠  
夜長人奈何

又

譚明之

去路遙歸路遙  
燈月光中立小橋  
魂紫紫玉蕭蕭  
風蕭蕭雨蕭蕭  
此夜相思空寂寥  
梅花落麗譙

又

淨亭亭步盈盈  
蟬影明綃傳體輕  
水邊無限情  
翠尊傾翠環傾  
歸去如何睡得成  
西風吹酒醒

又

楊季和 韶文

溪水清溪水 渾溪上人家  
數畝園 垂楊深閉門  
青羅裙白羅裙 採盡青繁到白蘋  
江南三月春

望江南

陳東甫

芳思遠南苑 惜春時  
翠柳枝柔金 笛怨碧  
桃花老玉 笙悲風日正遲遲

又

趙君舉

新夢斷 久立暗傷春  
柳下月如花 下月今年人  
憶去年人 往事夢中身

又

趙行可 時行  
石洞

霜月濕人睡，矮蓬秋驚覺。夜深兒女夢，漁歌風起白。  
蘋洲別岸，又潮頭。

謁金門

曾子實

梅粉褪，點點雨聲春恨半吐。桃花芳意嫩，草痕青寸寸。  
把酒花邊低問，莫解寒深紅損。等待春風晴得穩。  
琵琶重整頓。

又

譚明之

銀漏滴午夜，平康巷陌雙掩獸。錄人語寂餘香無處覓。  
回首舊游蹤跡，紺碧染衣猶濕。一餉沉吟誰會得。  
月明春店笛。

又

人病酒生怕日高催繡昨夜新翻花樣瘦旋描雙蝶  
湊閑凭繡牀呵手却說春愁還又門外東風吹綻  
柳海棠花斲勻

菩薩蠻

趙君舉

閑庭草色侵階綠瑣窓午夢人如玉拋枕出羅幃風  
吹金縷衣怨春風雨惡二月桃花落雨後縱多晴  
花休春不成

又

蕭體仁

斷紅流水香難覓行雲一去無蹤跡楊柳漫遮闌闌

愁付遠山 玉笋彈未了倚柱人空老青子摘來酸  
酸心有幾般

又

郭□□

賈餗天氣蕭聲軟午院水沈烟未斷睡起補殘眉紅  
綿入鏡遲 霎時開笑靨花上看雙蝶新月上簾鉤  
相思不斷頭

浣溪沙

周伯弼

撲撲精神的的香茶蘼一朵曉來粧雛鶯葉底學宮  
商 著意勸人須盡醉扶頭中酒又何妨綠窓花影  
日偏長

又

黃同武

特龍  
野梅

雨歇花梢月正明  
映簾人靜繡燈昏  
鴛鴦成字便停針  
笑啟玉奩明酒暈  
緩尋金葉熨香心  
一春情緒此時深

又過高郵

譚明之

欲展吳棧咏杜娘  
為停楚棹覓秦郎  
鶉花三十六湖香  
珠顆翠藥饒宿淚  
玉痕紅褪怯晨粧  
小橋風月思淒涼

又

王敬子 大簡

拂面涼生酒半醒  
蘆纖小雨晚初晴  
過雲無定月虧

盈庭戶不闕春悄悄闌干倚遍夜深深幾回風竹  
誤人聽

又

曾子隆

原隆  
月明

落日蒸紅山欲燒短筇行樂過山腰松聲隱隱晚來  
潮矮樹依岩無敗葉梅花當路少全梢水村時有  
短長橋

又

趙退齋

笑摘青梅傍綺疏數枝花影漾前除太湖石畔看金  
魚筇指曉寒慵出袖翠鬟春懶不成梳為君縫袂  
繡羅襦

搗練子

無名氏

偏回戲最風流斗帳金猊暖不收  
一陣蜜蜂狂絮裏  
酒酣眠折玉搔頭

又

初酒醒乍衣單褪著裙兒側著冠  
門外小橋寒食夜  
月明人去杏花殘

棲心月

柳下爭拏畫槳搖水痕不覺透紅綃  
月明相顧羞歸  
去都坐池頭合鳳簫

又



手把新荷葉一枝喚來池上只愁歸流螢裏在紅紗  
袖忽到持盃个个飛

又

新著生紅小舞衣案前磨墨誤淋漓含嗔逗晚不梳  
洗背面牙床喫荔支

陽春白雪卷第六終